

Na osnovu člana 73. Zakona o izvršenju Budžeta Tuzlanskog kantona za 2022. godinu («Službene novine Tuzlanskog kantona», broj:23/21) i člana 23. stav (1) alineja 5. Zakona o ministarstvima i drugim organima uprave Tuzlanskog kantona («Službene novine Tuzlanskog kantona», br. 17/00, 3/01, 12/03, 10/05, 3/08, 8/11 i 15/13), Ministar finansija, donosi

**U P U T S T V O**  
**O POSTUPKU REFUNDACIJE UPLAĆENIH SUDSKIH I ADMINISTRATIVNIH TAKSI ZA**  
**UPIS U NADLEŽNI REGISTAR**

**I OPŠTE ODREDBE**

**Član 1.**

Ovim uputstvom propisuje se postupak refundacije uplaćenih sudskih taksi za upis poslovnih subjekata u Registarskom Odjeljenju Općinskog suda u Tuzli i administrativnih taksi za upis u nadležni gradski ili općinski obrtni registar, upisnik putničkih agencija, upisnik turističkih vodiča, upisnik odobrenja za pružanje ostalih turističkih usluga fizičkih lica, registar trgovačkih radnji, registar ugostiteljskih radnji, te registar izdatih odobrenja za obavljanje privatne prakse zdravstvenih radnika i zdravstvenih saradnika kod Ministarstva zdravstva Tuzlanskog kantona u 2022. godini.

**Član 2.**

Pod sudskim taksama u smislu ovog uputstva podrazumjevaju se sudske takse utvrđene Zakonom o sudskim taksama-prečišćen tekst («Službene novine Tuzlanskog kantona», br. 4/16 i 10/18)-Tarifa sudskih taksi-vrsta prihoda-722221, i to:

1. Tarifni broj 19. (takse za podneske)
  - a) Za prijavu u sudski registar
  
2. Tarifni broj 20. (taksa za upise u sudski registar)
  - a) Za rješenje o upisu osnivanja privrednog društva,
  - b) Za rješenje o upisu osnivanja dijelova privrednog društva,
  - c) Za rješenje o upisu osnivanja drugih pravnih osoba koje nisu navedene pod tačkama a) i b),
  - d) Za rješenje o upisu osobe ovlaštene za zastupanje pravne osobe,
  - e) Zarješenje o upisu prava vršenja spoljnotrgovinskog prometa,
  - f) Za rješenje o upisima koji nisu obuhvaćeni prethodnim tačkama,

**Član 3.**

Pod administrativnim taksama u smislu ovog uputstva podrazumjevaju se administrativne takse utvrđene Zakonom o kantonalnim administrativnim taksama-prečišćen tekst («Službene novine Tuzlanskog kantona», br.6/12,15/13 i 10/18)-Tarifa kantonalnih administrativnih taksi-kantonalne administrativne takse-vrsta prihoda-722121 i općinske administrativne takse u skladu sa propisima jedinica lokalne samouprave -vrsta prihoda-722131.

**II UTVRĐIVANJE PRAVA NA REFUNDACIJU SUDSKIH TAKSI, KANTONALNIH ADMINISTRATIVNIH TAKSI I OPĆINSKIH ADMINISTRATIVNIH TAKSI**

#### Član 4.

Pod uplaćenim sudskim i administrativnim taksama, u smislu ovog uputstva, podrazumijeva se uplata koja je evidentirana na Jedinstvenom računa trezora Tuzlanskog kantona (JRT) ili računu jedinice lokalne samouprave u zavisnosti od pripadnosti takse, na način propisan važećim zakonskim propisima i drugim aktima kojima se reguliše način uplate sudskih i administrativnih taksi.

Pod uplatiocem, u smislu ovog uputstva, podrazumijeva se pravno ili fizičko lice koje je izvršilo uplatu sudske ili administrativne takse na JRT ili račun jedinice lokalne samouprave.

#### Član 5.

Postupa refundacije u cilju povrata uplaćene sudske ili administrativne takse pokreće se na osnovu pisanog zahtjeva uplatioca.

#### Član 6.

Zahtjev za refundaciju iz člana 5. ovog uputstva podnosi se Ministarstvu finansija Tuzlanskog kantona (u daljem tekstu: Ministarstvo).

#### Član 7.

Uz zahtjev iz člana 5. ovog uputstva, koji obavezno sadrži osnovne podatke uplatioca (prezime, ime, adresa, JMBG i kontakt telefon za fizička lica, odnosno naziv i sjedište firme, ID broj i kontakt telefon za pravna lica), prilaže se dokaz o izvršenoj uplati sa naznačenom svrhom uplate (ovjerena kopija naloga za uplatu, dnevni izvod sa žiro računa na osnovu kojih se mogu utvrditi podaci i svrha uplate), fotokopija važeće lične karte i fotokopija bankovne kartice za fizička lica, odnosno fotokopija Uvjerenja o poreskoj registraciji i broj žiro računa za pravna lica, te eventualno ostali dokazi o uplati sudske ili administrativne takse.

### **III ODOBRAVANJE REFUNDACIJE SUDSKIH TAKSI, KANTONALNIH ADMINISTRATIVNIH TAKSI I OPĆINSKIH ADMINISTRATIVNIH TAKSI**

#### Član 8.

Ministarstvo na osnovu analitičke evidencije i dokumentacije sa kojom raspolaže i dokumentacije priložene uz zahtjev uplatioca, u skladu sa odredbama Zakona o upravnom postupku i drugim zakonima i propisima kojima je regulisan taj prihod, donosi rješenje o utvrđivanju prava na refundaciju uplaćene sudske takse, kantonalne administrativne takse ili općinske administrativne takse.

Kada to ocijeni potrebnim, Ministarstvo može od podnosioca zahtjeva ili nadležnog organa zatražiti da dostavi dodatne dokaze ili drugu dokumentaciju potrebnu za rješavanje podnesenog zahtjeva.

Pravo na podnošenje zahtjeva za refundaciju uplaćene sudske takse, kantonalne administrativne takse ili općinske administrativne takse uplaćene u 2022. godini ističe 31.12.2022. godine.

Dispozitiv rješenja iz stava 1. ovog člana obavezno sadrži:

- prezime i ime i adresu za fizička lica, odnosno naziv i sjedište pravnog lica- uplatioca sredstava

- visinu uplaćene sudske takse, kantonalne administrativne takse ili općinske administrativne takse;
- šifru prihoda i općine;
- datum uplate;
- identifikacioni broj podnosioca zahtjeva za pravna lica ili jedinstveni matični broj građanina;
- broj žiro-računa i naziv banke kod koje je otvoren za pravna lica;
- broj transakcijskog i tekućeg računa kod banke za fizička lica;

#### Član 9.

Refundacija uplaćene sudske takse, kantonalne administrativne takse ili općinske administrativne takse izvršava se potpunom naloga za prenos sredstava, potpisanim od strane ovlaštenih lica, a na račun pravnog ili fizičkog lica - uplatioca sredstava.

Nalog za prenos popunjava se na način propisan važećim Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine.

Nalozi za refundaciju mogu se ispostavljati djelimično u skladu sa tekućim prilivom na JRT.

#### IV ZAVRŠNE ODREDBE

#### Član 10.

Na sva pitanja koja nisu uređena ovim uputstvom primjenjivat će se odredbe Zakona o upravnom postupku («Službene novine Federacije Bosne i Hercegovine», broj:2/98 i 48/98)

#### Član 11.

Ovo uputstvo stupa na snagu danom donošenja, primjenjuje se za 2022. godinu i objavit će se u «Službenim novinama Tuzlanskog kantona».

Bosna i Hercegovina  
Federacija Bosne i Hercegovine  
TUZLANSKI KANTON  
Ministarstvo finansija

Broj: 0711-M-493/22  
Tuzla, 12.01.2022. godine



MINISTAR

Vedran Lakić dipl.ecc,s.r.